

本草彙言

本草彙言卷之三

錢塘

倪朱謨純字甫集選

男倪洙龍冲之氏藏稿

沈 瑄西璵甫校正

草部

屬草類上

菊花味苦甘辛氣溫微寒可升可降陰中微陽入手足太陽陽明少陽太陰少陰厥陰一十二經。

陸氏埤雅云菊本蘓菊也月令九月菊有黃華華專至此而窮盡故謂之菊蘇氏曰生南陽山沔及田野間宿根再發初春發苗清明前三日分種喜向陽葉莖花根種種不同即菊譜所載凡百餘種亦不能盡收也其莖有株蔓紫赤青綠之殊葉有大小厚薄尖圓之流正有大朵小朵千瓣單瓣有心無心之異色有黃白紅紫正間深淺之別味有甘苦辛酸蒿腥之辨又有夏秋冬菊三時之分取用其色不拘黃白惟以單瓣味甘者入藥即菊譜所載鄧州黃鄧州白者是矣始生山野今則人家栽植之其花細小單瓣品不甚高蓋如蜂窠又

種開小花。瓣下如小珠。入藥亦佳。正月采根。三月采葉。五月采莖。九月采花。修治惟陰乾用。○菊類繁多。惟紫華氣香。葉厚至柔。嫩時可食。花散大。味甚甘者為真。隨可入藥。一種莖青肥大。葉似蒿艾。花小。味極苦。名爲苦薺。慎服。壯人元氣。與甘菊花大不同也。

○甘菊花祛風清熱。養用明目之藥也。此得天地清陰之氣。獨稟金精。專制風木。故爲去風要藥。觀夫風邪爲病。先入乎肝。肝開竅于目。又風爲陽邪。勢先走上。又熱甚則生風。風火相搏。爲頭風頭痛。眩暈懸旋。爲目睛澀障。畏風羞明。或腫痛難開。或珠膜欲脫。或胞沿浮痒。或淚流不止。菊能清風清熱。養血養肝。故頭目諸疾。所用必需者也。本草又謂解疔腫。去濕痺。散遊風。丹毒。蓋疔腫丹毒。風火之毒也。遊風濕痺。濕熱之證也。菊花清陰純。

潔得木體之柔。順受金制。木平。風息。疔丹痺風之疾。自
渙然消釋。若氣虛胃寒。食少泄瀉之病。宜少用之。與
溫補之類同用。無傷也。

李時珍先生曰。菊花發生于春。長養于夏。秀英于秋。含
章于冬。備受四氣。飽經露霜。葉枯不落。花槁不零。味甘
兼苦。性稟平和。昔人謂其能除風熱。益肝補陰。蓋不知
其得金水之精英尤多。能益金水二藏也。補水。卽所以
制火。益金。卽所以平木。木平則風息。火降則熱除。用治
諸風頭目。其旨深微。黃者入金。水陰分。白者入金。水陽
分。紅者。行婦人血分。皆可入藥。神而明之。存乎其人。其
苗可蔬。葉可啜。花可餽。根實可藥。囊之可枕。釀之可飲。

自本至末。罔不有功。宜乎前賢比之君子。神農列之上品也。

金靈昭先生曰。頭風者。本于風寒。入于腦髓也。蓋頭爲諸陽之會。其人素有痰火。風寒客之。則熱鬱而悶痛。雖有偏正之殊。不外痰火之證。菊花性稟秋清。火痰風鬱。七劑自通。間有氣虛血虛者。耆耆米歸芎。一任加入。

○集方。治風熱頭痛。用甘菊。川芎。荆芥。黃芩。薄荷。連翹。玄參。生地黃。柴胡。羌活。甘草。各三錢。爲末。每服一錢。茶調下。再飲童便一鍾。更妙。○治血虛風熱頭風頭痛眩暈。用甘菊花。三錢。當歸。天麥門冬。生熟地黃。川芎。防風。荆芥。天麻。藜蘆。白芍藥。白芷。各減半。如有痰結而作者。本

方加薑水浸半夏。膽星。白芥子。各二錢。○治目睛滿障。
羞明。用甘菊花。防風。木賊草。白芷。柴胡。草決明。穀精草。
○治目睛腫痛難開。暴發者。用甘菊花。玉竹。防風。白芷。
荆芥。薄荷。草決明。龍膽草。赤芍藥。○治目病珠膜欲脫。
用甘菊花。玉竹。防風。荆芥。蟬蛻。白芷。○治淚流不止。胞
沿作痒。用甘菊花。密蒙花。白芷。防風。荆芥。羌活。○治老
人虛人氣血兩虛。目睛昏暗不明。用甘菊花。牛膝。枸杞
子。懷熟地。川椒。山茱萸。牡丹皮。澤瀉。○治肝腎俱虛。目
痛。用甘菊花。三錢。熟地黃。黃柏。枸杞子。白蒺藜。北五味
子。山茱萸肉。當歸。白芍藥。羚羊角屑。各二錢。如有翳障。
本方加草決明。木賊草。穀精草。柴胡。各一錢五分。水煎。

服十劑効。或用十劑料作丸。每食後服三錢。白湯送亦

可。○治風熱目痛。用甘菊花二錢。川黃連。玄參。甘草。生

地黃。荆芥穗。草決明。連翹。柴胡。川芎。桔梗。蒼耳子。羌活。

各一錢。水煎服。冲童便半盞更妙。○治無名疔腫。用甘

菊花一握。紫花蒂下。半枝連。益母草。金銀花。夏枯草。各

二兩。搗汁。再以貝母。連翹。天花粉。共爲細末。用諸汁調

服。如無生葉搗汁。隨用乾者。共九味。煎服亦可。○治四

肢濕痺。痛難動履。用甘菊花。草薢。枸杞。杜仲。白朮。薑黃。

半枝連。獨活。當歸。秦艽。稀莖草。各二兩。草烏八錢。酒炒。

○治赤遊風丹毒。用甘菊花。防風。白芷。赤芍藥。萊豆。金

銀花。半枝連。各等分。水煎服。須用磁鋒。砭去惡血爲妙。

○治終身無目疾。兼不中風。及生疔瘡。用甘菊花。枸杞子。相對蜜丸。每早服五錢。白湯過。久久有效。

野菊花。名苦薺。葉莖花根。味苦辛。氣涼。有小毒。薺乃蓮子之心。此藥味苦似之。故名。

藏器陳氏曰。苦薺生澤畔。處處原野山陬。極多。莖如馬蘭花如菊。但葉薄而多尖。花小而蕊多。如細蜂窠狀。味極苦辛。氣甚慘惡。

○野菊花。破血疎肝。解疔散毒之藥也。主婦人腹內宿血。解天行火毒丹疔。搗汁和生酒服之。或取滓敷。皆亦效。煮湯洗瘡疥。又能去風殺蟲。但性寒。味劣。無故而飲。有損胃氣。非若甘菊花。有益血脈和腸胃之妙也。

○治腸風下血。用野菊花二錢。黃耆、白芍、藥、麥門冬、當歸、地榆各四錢。甘草、人參、白芷、北五味、黑荆芥各一錢。河水二大碗。煎七分。食前服。服六七劑全愈。○又方治腸風。用野菊花六兩。曬乾炒成炭。懷熟地八兩。酒煮搗膏。炮薑四兩。蒼朮三兩。地榆二兩。北五味一兩。煉蜜爲丸。梧桐子大。每服五錢。食前白湯送下。

艾葉。味苦。氣溫。無毒。可升可降。陰中之陽。入足太陰少陰。
厥陰經。

李時珍先生曰。艾可又疾。久而彌善。故字從艾。訓水令
圓。舉而向日。以艾承其影。則得火。凡醫家用此草。灸百
病。所在處。皆有。或生山原。或生田野。二月宿根生苗。
其莖直上。高四五尺。其葉四布。狀如蒿。分爲五尖。極上
復有小尖。而青背白。有茸而柔。七八月。葉間出穗。如車
前穗。細花結實。累累盈枝。中有細子。霜後始結。未時以
湯陰複道及寧波者佳。自明成化以來。以蘇州者爲
勝。又以疎久者更良。五月五日。連莖刈取。暴乾。揀摘淨
葉。揚去塵屑。入石臼內。木杵搗熟。羅去渣滓。再搗如綿。
則灸火得力。如入臼散。將茯苓作片同碾。卽時可作細
末。亦一異也。

○艾葉。暖血溫經。行氣開鬱之藥也。主婦人血氣久冷。肚

腹作痛。或子宮虛寒。胎孕不育。或寒氣內襲。胎動不安。
或濕熱內留。白帶淋瀝。腰脊痠疼。或男子風鬱大腸下

痢膿血及腸風便血諸證。又燒則熱氣內行通筋入骨。走脉流經。故灸百病。開關竅。醒一切沉痾。伏匿內閉諸疾。若氣血痰飲積聚爲病。哮喘逆氣。骨蒸痞結。癰瘰癧。疔瘰癧。結核等疾。灸之立起。沉痾若入服食丸散湯飲中。溫中除濕。調經脉。壯子宮。故婦人方中多加用之。搗碎入四物湯。安胎漏腹痛。搗汁和四生飲。止嘔血吐血。衄血也。日華子又謂能利陰氣。保胎娠。須以之導引涼血補血藥爲宜。然性氣雖芳香烈而燥熱。凡婦人胎動不安。由于熱而不由于寒者。淋帶由于氣虛內熱。而不由于濕熱者。肚腹疼痛。由于烟火石藥。炙罇酒膠。積熱傷腸胃。而不由于寒冷者。嘔吐衄血。由于心肺暴熱。

妄行。不由于陽鬱陰乘而致者。年久不孕。由于精虛血燥。血熱血少。不由于風寒入子宮者。咸戒用之。

繆仲醇先生曰。艾葉。生涼熟熱。其氣芳烈。性能開達竅戶。辟除陰厲鬼邪。純陽之草也。可以取太陽真火。可以回垂絕元陽。服之則走三陰而逐一切寒濕。冷氣轉閉。藏肅殺之氣爲融和。灸之則透諸經而治百種病邪。起沉伏之疾。其功大矣。老人丹田氣弱。臍腹畏冷者。入布囊裏其臍腹。及寒濕脚氣。亦須夾入襪內用之。夫用藥以治病。中病卽止。于婦人內寒血冷。及病腹中疼痛。帶漏諸疾。以艾附丸。或歸艾膏。艾木艾諸方。夫何不宜。若服久不輟。辛熱過偏。致使燥熱之毒。攻發爲病。速以菖

豆粥食之即解。

○集方治婦人血氣寒冷四肢少熱胎孕不育用蘄艾一觔杵如綿楊去塵末并梗酒煮一週時川芎白朮當歸身香附醋煮各四兩共爲末煉蜜丸每早服三錢○治藏氣虛冷胎動不安用艾葉製法如前砂仁殼當歸白朮川芎阿膠各一兩甘草五錢分作十劑服○治婦人白帶淋瀝用艾葉六兩製法如前白朮蒼朮各三兩俱米泔浸晒乾炒當歸身酒炒二兩砂仁一兩共爲末每早服三錢白湯調下○治男子腸風臟毒大便下血用艾葉八兩製法如前蒼朮四兩米泔浸炒懷熟地六兩酒蒸搗膏南五味子二兩炒共爲丸每早服三錢白湯下○治妊娠下

血。仲景曰婦人有漏下者有半產後下血不絕者有妊

娠下血者並宜膠艾湯主之艾葉製法如前阿膠熟地當歸

各三兩川芎甘草各一兩白芍藥四兩分作十劑每劑

加阿膠俟藥熟投入烊化服○治妊娠胎動不安或腰

痛下墜或胎上搶心或下血不止或橫生倒產或子死

腹中用艾葉一兩製法如前當歸川芎益母葉各五錢水煎

少加清酒半盞服○治產後瀉血不止用乾艾葉一兩

製法如前炮薑炭一兩水煎一服立止○治產後腹痛欲死

用陳艾葉一兩製法如前水煎服再用一觔熱酒拌濕鋪臍

上以布覆住用熨斗火熨之待口中艾氣出痛自止矣

并治中風卒病○治背發諸毒并各處生毒或一切無

頭熱腫用艾葉

製法如前

作炷于腫痛處灸輕者七炷九炷

重者百十炷不痛者灸之痛者灸之不痛其毒即消

不消亦免內攻此神方也○治咽喉腫痛以嫩艾搗汁

細嚥之或再以渣和米醋敷喉上冬月以乾艾葉煎汁

飲亦可○治小兒臍風撮口以艾葉一兩燒灰填臍中

以帛縛定効○治頭風久痛以陳艾揉爲丸時時嗅之

以黃水出爲度○中惡鬼擊卒然着人胸脇腹內切痛

如刀刺不可按或吐血或下血或鼻中出血以陳艾三

兩水洗淨甘草五錢水五升煎二升徐徐服○治蛇蟲

攻心作痛口吐清水或脾胃受冷作痛用陳艾燒存性

爲末白湯調服數分○治火眼腫痛以陳艾一兩燒烟

起以盤覆之。候烟盡。取盤上煤。白湯調散。洗眼即瘥。○

治鵝掌風癬。陸氏方用陳艾四兩。水四盤煮十餘滾。連艾并湯

入瓶內。用麻布二層縛瓶口。將手心放瓶口上薰之。如

湯冷再熱。如神。○治婦人面瘡。陳氏方名粉花瘡。以定粉五錢

菜子油調塗盤內。用艾一二團燒烟熏之。候烟盡覆地

上一夜。取出調搽。永無癢痕。亦易生肉。○治面上肝黯

用艾灰桑灰各半升。以水五碗淋汁。再淋至三遍。煎令

稠糊。每以簪腳點少許傅之。自爛脫落。甚妙。○治癰疽

年久。瘡口冷滯不合。用陳艾煎湯頻洗。自斂。○治諸蛇

蟲咬傷。用艾灸數壯。自解。○治風蟲牙痛。用黃蠟少許

攤紙上。鋪艾以筴捲成筒。燒烟。隨左右熏鼻。令烟滿口。

呵氣卽疼止腫消。○治遍身風麻。風麻是氣虛宜灸用
蘄艾黃耆白朮陳皮半夏天麻人參各二兩茯苓熟地
黃當歸各四兩枸杞子六兩俱炒燥浸酒飲。○治遍身
風木。風木是濕痰死血宜鍼用蘄艾白朮當歸川芎半
夏天麻紅花桃仁蘇木蒼朮各二兩白芥子僵蠶牡丹
皮各一兩俱炒燥草烏三錢炒焦黃浸酒飲。○治遍身
麻痺不能屈伸謂之不仁是氣血兩虛受風濕也用蘄
艾人參黃耆白朮防風蒼朮當歸熟地黃枸杞子川芎
秦艽各二兩俱炒燥土鱉蟲二十個浸酒飲。

茵陳蒿。味苦辛。氣寒。無毒。陰中微陽。入足太陽。陽明太陰經。

陶隱居曰。茵陳生太山。及丘陵坡岸上。今在處皆有。不及太山者佳。冬初莖枯。至初春又生。故名茵陳。茵蒿七八寸。似蓬蒿而葉緊細。九月作花。結實與菴蘭花實相似。亦有無花無實者。修治以五七月。葉有八角者。采莖葉陰乾。去根用。○又江寧府一種茵陳。葉大根粗。至夏作花。色黃白。結實如艾子。又和州及南山峻嶺石中。出一種石茵陳。今江南山石中亦有。療傷寒。腦痛。絕勝。今諸醫議論。謂家茵陳亦能解肌。下隔。去胸中熱煩。再詳本草正經。但以功較之。則亦稱江南者為勝。療黃疸。利小便。更最也。李時珍先生曰。茵陳昔人多特為蕪。故入藥用。家茵陳所以別山茵陳也。今淮陽亦有野茵陳。其莖如艾。其葉如青蒿。淡色而背白。葉披緊細而扁。九月開細花。色黃。結實亦如艾子。

○茵陳清黃疸。利小便。為黃家君主之藥也。治風濕寒熱。

邪氣熱結黃疸。小便不利。關節不通。又傷寒熱甚發黃。

者每多用之。他如伏瘕水脹及太陰裏邪。瘴癘寒熱等疾。統屬濕熱者。無不相宜。但苦寒沉降。能清熱利濕。濕熱去。則諸證自退矣。中病即已。若過用。不免有伐脾損氣之弊。

邵繩山先生曰。按黃疸之病。多起于飲食勞倦。致傷脾土。脾土不能運化。濕熱內鬱。無由發泄。流于皮肉。遍于四肢。黃色如染。淡黃易愈。深黃難愈。焦黃者死。凡抑鬱不得志之人。多生此病。雖云濕熱。不可純用寒涼。必佐之以辛甘溫散。君之以滲泄。則濕易除。熱易解。其病自愈。若純用涼藥。重傷脾土。濕熱反甚。變為水腫腹脹者。多有之矣。

沈則施先生曰茵陳芬芳疎利味苦善行邪在內者出結者散故去濕熱退黃疸也然疸證雖有五種之分同為濕熱所成仲景方有茵陳梔子大黃湯治濕熱也茵陳梔子柏皮湯治燥熱也如茵澇則濕黃茵旱則燥黃濕則瀉之燥則潤之之意也又有陰寒發黃用茵陳附子湯蓄血發黃用茵陳桃仁湯隨證和入可也

○集方同防風羌活治疸黃兼風同蒼朮厚朴澤瀉治疸黃兼濕同生薑白豆仁治疸黃兼寒同川黃連龍膽草滑石治疸黃兼熱又同陳皮菊花乾薑治傷酒發黃同檳榔枳實山查麥芽治小兒食積發黃隨證加用可也

○治遍身風癢疥疥用茵陳煮湯洗之○治遍身黃疸

用茵陳一把生薑五錢搗爛水煎服以渣于胸背四肢
日日擦之○治壯人酒疸用茵陳四兩山梔子七箇大
田螺一箇連殼俱搗爛取汁以百沸白酒一大盞沖汁
飲之○治眼熱赤腫用茵陳草車前子各等分水煎內
服外洗○治穀疸用茵陳蒼朮白朮澤瀉車前神麴紅
麴麥門冬各等分水煎服○治酒色過度成女勞疸者
用茵陳石斛木瓜牛膝黃蘗熟地黃○又五苓散加茵
陳車前總治諸疸○治濕熱發黃疸用茵陳梔子赤茯苓
蒼朮
心三十
枳實
發熱加柴胡一錢二分有宿食加
便閉結加大黃一錢

青蒿味苦氣寒無毒乃少陽厥陰血分藥也

李時珍先生曰青蒿生華陰川澤所在有之得春最早
望春便發莖如指肥葉極纖細色並青翠似茵陳蒿而
青不自至夏漸高五六尺許秋深開細淡黃花在下結
子如粟米莖柔韌根白硬苗葉花實並芬芳功力亦相
若也嫩時醋淹為葷香涼可口沈氏筆譚云青蒿一類
自有二種一黃色一青色青者入藥即農經所指青蒿
亦有所別陝西銀綬間見青蒿叢中時有一兩窠迥然
特青如松檜翠碧可觀至秋諸蒿轉黃此蒿翠碧更倍
古人取深青者為勝此獨得蒿力之專精者也不然諸
蒿何嘗不青但青而色淡耳雷公云凡使惟中為殘到
膝即仰到腰即倪使子勿使葉使根勿使莖四件若同
使翻然成痼疾修事其葉或莖實用七歲兒七箇溺浸
七晝夜取出晒乾用

○青蒿清熱涼血退骨蒸勞熱之藥也此藥得初春少陽

之氣以生去肝膽腎經伏熱故明目消疥退骨節間內
蒸留熱熱去則血分和平陰氣日長故勞熱骨蒸專主

之也。大抵諸苦寒藥多與胃氣不宜。惟青蒿芬芳清潔氣先襲脾。故獨宜于血虛有熱之人。以其不損胃氣。故爾。是以瘧勞虛熱。非此不除。又陳氏方治傳屍鬼疰瘡痢寒熱齒痛。皆本少陽木鬱火鬱之病。以此芳潔苦寒之藥用相宜耳。若專于真陰內損。營氣衰弱。成勞者。當與大滋養藥同劑方善。倘勞熱之人有胃虛不食泄瀉者。產後氣虛內寒作瀉者。咸宜戒之。

陳廷采先生曰。諺云。三月茵陳四月蒿。人每誦之。疑是兩藥一種。因分老嫩而異名也。殊不知葉雖近似。種却不同。青蒿葉背面俱青。且結花實。茵陳葉面青背白花。實全無。况遇寒冬。尤大差異。茵陳莖幹不凋。至春舊幹

上復發葉。因幹陳老。故名茵陳。青蒿莖幹俱凋。至春。再從根下發苗。如草重出。發舊幹者。三月可採。產新苗者。四月纔成。是指採從先後爲云。非以苗分老嫩爲說也。綱目發明云。青蒿得春木少陽之氣最早。故所主之證。皆少陽厥陰血分之病也。故治骨蒸熱勞爲最。古方每單用之。

○集方治一切虛勞寒熱。陰虛五心煩熱。腎水真陰不足。以致骨蒸勞熱者。并除產後一切虛熱寒熱。淹延不解。用青蒿葉。鼈甲。生熟地黃。牛膝。枸杞。麥門冬。北五味子。各等分。水煎服。○治時眼赤腫。用青蒿葉。防風。連翹。甘草。荆芥。各等分。水煎服。○治瘡疥瘙癢。皮膚一切風疹。

用青蒿爲末。每服三錢。白湯調服。再取葉煮湯頻洗。○

治男婦勞熱肌瘦。用青蒿葉細切一觔。水三十碗。童便

五十碗。同煎。取十碗去渣。入砂鍋內煎成膏。每早服五

茶匙。白湯調送。○治虛勞虛勞方寒熱肢體倦怠煩疼。不拘男

婦。用青蒿成實時採之。取葉以童便浸三口。曝乾爲末。

每服三錢。烏梅一箇。煎湯服。○治虛勞虛勞方盜汗煩熱口乾。

用青蒿二觔。取汁入沙參麥門冬各四兩。同煎。將稠濾

去沙參麥門冬。將汁熬稠。收貯磁器內。每早晚各服

數茶匙。白湯調送。○治溫癰痰盛但熱不寒。用青蒿四

兩。童便浸焙爲末。每服三錢。白湯調下。○治暑暑熱方熱痢。

用青蒿葉一兩。甘草一錢。水煎服。○治齒牙腫痛。用青

湯汨漱。○治鼻衄。用青蒿搗汁飲之。將渣塞鼻

中。板驗。○治酒痔便血。用青蒿葉爲末。每服三錢。糞前

血白湯調。糞後血白酒調服。俱食前。○治毒蜂螫人。嚼

青蒿葉敷上卽瘥。○治金瘡撲損出血。用青蒿搗敷之。

一方用青蒿葉陳石灰共搗千下。晒乾爲末。臨撲損出

血者。傅之卽止。○治鼻中息肉。用青蒿灰石灰各等分。

淋汁熬膏點之。卽落。

青蒿子味甘氣寒無毒陰乾。研成細末。空心每服二錢。白

湯調服。治積熱眼澁。久服明目。可夜看書。并治虛勞瘦

弱。

黃花蒿。俗名臭蒿。與青蒿相似。色綠帶淡黃。氣腥臭。不可

本草綱目卷二
食。人家采以釀黃酒。麴者是也。味辛苦。氣寒。無毒。煮
汁。治小兒風寒驚熱有驗。其子味性與黃蒿同。但下氣
消痰脹更殊捷爾。

白蒿。味辛。氣平。無毒。生中山川澤。先諸草發生。葉似細艾。
粗于青蒿。上有白毛。錯澁。從初生到秋。白于衆蒿。主風
寒濕氣。成痺。成脹。成疸。成痢。成癰。噎。成癩。瘡。諸疾并解。
河豚魚毒。神農列白蒿于上品。有功無損。而古今醫家
不知用。惜哉。

周氏曰。白蒿香美可食。今人以白蒿誤指爲茵陳。但苗
葉相似。實非也。○李氏言白蒿有水陸二種。本草所用。
蓋取水生者。故曰生中山川澤。不曰山谷平地也。二種

形狀相似。但陸生辛薰。不及水生者香美。爾詩云。呦呦鹿鳴。食野之苹。食野之蒿。苹卽蒿之初生。大白青色。白莖鮮嫩時也。蒿卽苹之長大。至秋老成。衰萎也。鹿食九種解毒之草。白蒿其一也。詩云。于以采芣。于以采訶。左傳云。蘋蘩藎藻之菜。可以薦于鬼神。羞于王公。並指水生白蒿而言。則爾雅之皤蒿。爲白蒿無疑矣。

劉氏禹錫曰。白蒿卽蓬蒿。可以爲蔬。生按醋淹。爲茹食之。益人。曝乾釀酒。治痿痺脚氣。及惡瘡癩疾。遍體頭面俱生者。爲末。白湯調服。一二錢。治濕熱脹滿。搗汁可退黃疸。并熱厥心痛。赤白痢疾。熬膏煉蜜收。可治膈噎。蒿類繁多。難以盡收。除青蒿黃蒿白蒿外。又有角蒿廩

蒿馬矢蒿。牡蒿。邪蒿。諸種類。本書所選只取青黃白三蒿。其餘無所要用。姑刪去之。

○續補集方。治中暑。用青蒿嫩葉。搗爛。手撚成丸。黃豆大。新汲水吞下。數丸立愈。

益母

古名先戴

味苦甘微辛氣溫無毒陰中之陽手足厥陰經

藥也為婦人產後血分之要劑當以童便酒煎

李時珍先生曰古方用實今方用葉蓋艾蒿專特在實取充盛密蔚之義其功宜下婦人胎產眼目故有益母之稱生江湖湖濱地澤及園圃田野近水濕處甚繁春初生苗如嫩蒿入夏漸長至三四尺莖方有四棱如黃麻莖葉有尖岐如艾葉莖有節寸許節節生穗叢簇抱莖四五月間穗內開小花紅紫色亦有白色者每莖內有細子四粒似蒿子黑褐色有三棱葉肆往往作巨勝子貨之其草生時有臭氣夏至後莖葉皆枯其根白色雖有白花紅紫花二種莖葉子穗皆同但白者入氣分紫紅者入血分別而用之可也入藥取葉以酒拌蒸晒乾用取子微炒黃春簾去殼取仁用

○益母草行血養血行血而不傷新血養血而不滯瘀血

誠為血家之聖藥也婦人臨產之時氣有不順而迫血

妄行或逆于上或崩于下或橫生不順或子死腹中或

胞衣不落。或惡露攻心。血脹血暈。或瀝漿難生。蹊澁不下。或嘔逆惡心。煩亂眩暈。是皆臨產危急之證。惟益母草。統能治之。又瘡腫科。以之消諸毒。解疔腫癰疽。以功能行血而解毒也。眼目科。以之治血貫瞳人。及頭風眼痛。以功能行血而去風也。習俗以益母草有益于婦人。專一血分。故屢用之。然性善行走。能行血通經。消瘀逐滯。甚捷。觀其治疔腫癰疽。眼病血障。則行血活血可知矣。產後諸疾。因血滯氣脉不和者。用之相宜。若執益母之名。施于胎前之證。血虛形怯。營陰不足者。肝虛血少。瞳人散大者。血脫血崩。陽竭陰走者。槩而與之。未嘗不取咎也。

陳廷采先生曰益母草活血行氣有補陰之功。凡胎前產後有所恃者血氣也。胎前無滯產後無虛。用此以其行中有補。補中有行。故有益母之稱。子名芫蔚。益肝膽。有明目之功。潤腎髓。有益精之力。利水實脾。調經順脉。功兼該矣。

紅媳婦家寶方云。益母草苗葉莖根花子。取全體。總用酒浸蒸晒乾。搗極爛。再碾爲末。煉蜜丸如彈子大。治胎前安生胎。去死胎。治產後行瘀血。生新血。又明目。精散水蓄。消丹疹。拔乳癰。止尿血。利小便。功全備矣。

繆仲淳先生曰芫蔚草。味陰而氣陽。輕潔之品。補而能行。辛散而兼潤者也。于婦人氣分血分諸病。頗宜。

○集方濟陰返魂丹。治婦人胎前產後危急諸證。用益母草。紅紫花者。端午小暑。或六月六日。或七月七日。連根收采。陰乾。以石器內碾爲細末。煉蜜丸。如彈子大。隨證嚼服。用白湯送。其根燒存性。爲末。酒服。功與黑神散等。其藥不限丸數。以病愈爲度。或丸如梧桐子大。每服百餘丸。又可搗汁濾淨。熬膏服之。○治胎前臍腹痛。或作聲者。米飲下。○治胎前產後臍腹刺痛。胎動不安。下血不止。當歸湯下。○治產後以童子小便化下一丸。能安魂定魄。血氣自然調順。諸病不生。又能破血痛。養脉息。調經絡。並溫酒下。○治死胎不下。及橫生不順。胞衣不出。或經閉脹滿。心悶心痛。並用炒鹽湯下。○治產後血

暈眼黑。血熱口渴煩悶。如見鬼神。狂言不省人事。以童
子小便和酒化下。○治產後結成血塊。臍腹疼痛。時發
寒熱。有冷汗。或面垢顏赤。五心煩熱。並用童便酒下。○
治產後惡露不盡。結滯刺痛。上衝心胸。滿悶。童便酒下。
○治產後瀉血水。以棗湯下。○治產後痢疾。米湯下。○
治產後血崩漏下。糯米湯下。○治產後赤白帶下。阿膠
艾湯下。○治月水不調。溫酒下。○治產後中風。牙關緊
急。半身不遂。失音不語。生薑湯下。○治產後氣喘咳嗽。
胸膈不利。惡心吐酸水。面目浮腫。兩脇疼痛。舉動失力。
溫酒下。○治產後月內咳嗽。自汗發熱。久則變為骨蒸。
童便下。○治產後鼻衄。古黑口乾。童便下。○治產後兩

太陽穴痛。呵欠。心忪。氣短。羸瘦。不思飲食。血風身熱。手足頑麻。骨節疼痛。並米飲下。○治產後大小便不通。煩躁口苦者。薄荷湯下。○治婦人久無子息。溫酒下。治產婦一切諸病。及折傷內損。有瘀血。每天陰則痛。神方也。三月采益母草。連根葉。莖花。水洗令淨。干箔上攤暴水乾。以竹刀切長五寸。勿用鐵刀。置于大鍋中。以水浸過二三寸。煎煮。候草爛。水減三之二。漉去草。取汁約五六斗。入盆中。澄半日。以絹濾去濁渣。以清汁入釜中。慢火煎取一斗。如稀餚狀。瓷瓶封收。每取數大匙。暖酒和服。日再服。或和羹粥亦可。服至七日。則疼漸平復也。產婦惡露不盡。及血暈。一二服便瘳。其藥無忌。又能治

風益心力

治血熱

近泉

先期及胎漏下血

用益母草生地黃白芍

藥麥門冬枇杷葉青蒿子五味子阿膠○治胎不安腹

痛用益母草杜仲阿膠川續斷當歸身川芎熟地白芍

藥各等分爲丸服○治臨產血崩不止用益母草當歸

身懷熟地各五錢炮薑炭人參各一兩○治婦人經前

經後感冒頭痛發熱譫語妄見煩躁類傷寒此熱入血

室證用益母草柴胡半夏當歸丹皮黃芩○治胎死腹

中或胞衣不下用益母草搗熟以熟水少許和絞取汁

頓服之○治產後血閉血暈心氣欲絕用益母草搗汁

和熟水少許灌服立甦○治產後血暈瘀血薄心惡露

不行腹痛。少腹兒枕痛。兼催生及胞衣不下。并氣閉經阻。經行作痛。用人參琥珀乳香沒藥血竭沉香丹砂五靈脂各等分。爲末。用益母草取汁拌。曬乾。三拌三曬。爲度。加煉蜜搗成丸。如彈子大。用白湯化服。○治一切癰疽。并婦人乳癰。急慢疔瘡。及小兒頭瘡。浸淫黃爛。及陰疽。陰蝕。以益母草煎汁。患處淋洗。再以新鮮者絞汁。頻頻飲之。解毒消散。○又方。治疔瘡。用益母草四月連花采之。燒存性。先以小尖刀十字劃開疔根。令血出。次遶根開破。捻出血。拭乾。以稻草心蘸藥。捻入瘡口。令到底。良久。當有紫血出。捻令血淨。再搽藥入。見紅血乃止。一日夜搽藥三五度。重者二日根爛出。輕者一日出。有瘡

根脹起卽是根出以針挑之出後再敷生肌散易愈
風寒房室酒肉一切毒物○治一切疔腫發背及無名
腫毒益母草蒼耳草夏枯草金銀花紫花地丁各一握
鼠粘子白芷僵蠶白芨白欬甘草連翹生地各五錢水
十碗煎去十分之七取汁飲之○治勒乳成癰用益母
草爲末水調塗乳上一宿自瘥搗汁飲亦得○治血風
眼障血污瞳人用益母草木賊草蒼耳子草決明當歸
尾荆芥穗水煎服○治血風攻頭頭痛頭風并眼痛用
益母草防風羌活天麻蒼耳子薄荷連翹各等分水煎
服○治小兒疳痢垂死者用益母草嫩葉同白米煮
食之甚佳絞汁亦可

夏枯草。味苦辛。氣寒。無毒。陰中之陽。可升可降。乃足厥陰

少陽經血分藥。

別錄曰。夏枯草。生蜀郡川谷。今所在皆有。原野平澤間。甚多。冬至後生苗。漸高至一二尺許。莖微方。葉對節生。似旋覆葉而長大。邊有細齒而背白。三四月莖端作穗。長一二寸。穗中開淡紫碎花。似丹參花。結子亦作穗。一穗四子。五月便枯。宜四月收。采用。丹溪翁言。無子亦欠。察矣。其嫩苗淪過浸去苦味。油鹽拌之可食。寇氏曰。茺蔚有臭味。自秋便生。經冬不悴。春開白花。夏結子。夏枯草無臭味。春末開淡紫花。夏結子。兩物俱生于春。俱枯于夏。但夏枯草更早枯一月矣。

○夏枯草。涼血清肝。疎鬱散結之藥也。此藥得金水之體。

少陽之氣。善治肝鬱血燥為病。故前人主寒熱瘰癧鼠瘻癰核。目疼瘡疹諸疾。及脚腫濕痺等證。但性味寒而苦辛。寒能除熱。苦能下泄。辛能散滯。專入肝膽二經。攻

熱逐濕則前證自除矣。除肝膽血鬱氣滯之病。成瘰癧濕痺等證之外。並無別用。久服亦損胃家。謂苦寒降散多也。

沈則施先生曰。夏枯草大治瘰癧散結氣。有調養厥陰血脉之功。及觀其退寒熱虛者。以滋補藥和之。實者以行散之藥佐之。外以艾灸亦漸取效。此平易簡要之言也。○一男子病目羞明。至夜目珠大痛。連眉稜骨及頭半邊痛。且腫。灸厥陰少陽二穴。痛隨止。半日痛又作。以夏枯草四兩。香附一兩。甘草五錢。共爲末。每用二錢。茶清調服。下咽則痛減半。至四五服全愈也。

繆仲淳先生曰。瘰癧鼠瘻。由肝鬱筋結之所生。寒熱毒

氣之所成。留于脉中。着于肌肉。其本在藏。其末出于頸腋之間。久則內潰膿血。多成癰瘡。面黃少食。肌消骨立。不可爲矣。諸方用夏枯草配四物湯。宜早服。多服。屢獲效。

○集方治肝火肝平鬱成勞。用夏枯草入逍遙散良。○治癰

瘰癧馬刀。不論已潰未潰。或日久成漏。用夏枯草六兩切

細。酒浸蒸晒五次爲末。配十全大補湯料。再加香附。貝

母。遠志。尤善。○治肝虛目睛痛。或冷淚不止。或血脉纏

睛。或羞明怕日。用夏枯草十兩切細。酒浸蒸晒三次。配

甘菊花。草決明。各二兩。蜜蒙花三兩。枸杞子五兩。共爲

末。煉蜜丸。早晚各食前服三錢。○治脚氣頻發。腫痛難

履以夏枯草酒浸令宿晒乾炒木瓜醋拌炒各等分爲末每早食前服三錢酒湯引。○治乳癰初起用夏枯草蒲公英各等分酒煎服或作丸用亦可。○治一切癰疽腫毒用夏枯草一觔甘菊花紫花地下忍冬藤連翹白芨甘草生地白芷各二兩半枝連六兩水大鍋煎汁次總和熬膏每服大匙五匙白湯引止痛消毒如神。

劉寄奴草。味苦。氣溫。無毒。

蔡氏曰劉寄奴草出河中孟州。漢中潞州。江南越州。側高崖道傍所在皆有。春煖卽生苗。高二三尺。一莖直上。葉似蒼术葉。尖長。糙澀。面青背白。九月莖端岐分數枝。每枝橫簇小花十數朵。蓋黃瓣白。宛如秋菊。經數日花心拆裂。白絮如苦買花之絮。隨結子細長。亦如苦買之子。修治。揀去莖葉。只用子。粗布拭去薄殼。酒拌蒸用。李氏曰莖葉花子。性類相同。皆可用。又按南史云。宋高祖劉氏小字寄奴。在軍中療金瘡最驗。軍人遂以此呼之。故

○劉寄奴消血脹止血痛活血破血之藥也。其性溫散善走。流行血脉。故別錄主積損折傷血凝脹痛。金瘡血出不止。婦人血癥血結及產後血證餘疾。用此可下血止痛。正以其行血迅速故也。但行散之性。專入血分。如病人氣血兩虛。與脾胃薄弱。易作泄者勿用。

沈則施先生曰。此藥古方罕用。元本草始附隔草部。其葉揉之有香氣。乃破血之仙藥。爲末。酒和服數錢。治跌撲打傷。極效。不可過多。令人吐利。

○集方。治血氣脹滿。或杖打。或蹶蹙。或從高下墮。血汚心

胸。遍身上下內外作痛者。用劉寄奴爲末。每服三錢。酒

調服。○治金瘡出血不止。用劉寄奴爲末。內服外敷。効。

○治折傷瘀血在腹內者。用劉寄奴。骨碎補延胡索。各

一兩。水二升。煎七合。和好酒及童便各一合。溫服。○治

婦人血癥。血結。用劉寄奴爲末。每食前一錢。酒調服。漸

漸化解。并治產後一切腐敗留血爲病。○治湯火灼傷。

先用食鹽末。摻之。護肉不壞。後以劉寄奴爲末。雞子清

調塗不痛不爛亦無痕大效○治大小便血用劉寄奴
為末茶調空心服二錢即止○治風入瘡口腫痛用劉
寄奴為末摻之即止

○治筋骨疼痛甚如夾板狀痛不可忍用劉寄奴草五錢
煎湯將驢子修下蹄爪燒灰存性研末劉寄奴湯調服
三錢服後飲熱酒半鍾不過三五服愈

○神仙化痞膏專貼一切積聚痞塊如神用劉寄奴草四
兩晒乾當歸川芎白芷黃柏建黃連蘇木川烏各二兩
肉桂丁香巴豆肉草烏各一兩大黃蜈蚣穿山甲各三
兩白花蛇一條桃枝柳枝各三十寸右剉細以香油二
觔浸五七日桑柴慢火熬黑色去渣放冷濾淨澄清取

一觔半。再入鍋內。桑柴火熬至油滾。陸續下飛過黃丹。炒燥三兩。蜜陀僧研細末一兩。仍慢火熬至沸止。再下黃蠟八兩。熬至滴水成珠。方離火。待微冷下。後細藥乳香沒藥各一兩。硃砂一錢五分。麝香輕粉各二錢。血竭五錢。阿膠五錢。右七味共爲末。陸續入膏內。不住手攪勻。以冷爲度。用桑皮油紙攤膏。貼患上。時時以炭火烤熱。手磨熨之。

旋覆花味苦微鹹氣溫無毒。一云有小毒可升可降乃手

太陰肺手陽明大腸藥

方氏曰旋覆花圓而覆下故名。生平澤川谷及近道濕地所在皆有。二月生苗長一二尺。莖柔細似紅蘭而無刺。葉如大菊及小蘇蒿艾之類。六月開深黃色花亦如菊香亦如菊。故別名夏菊。根細而白。極易繁衍。生水澤邊者花小瓣單。人家栽植者花大莖簇。蓋土地肥瘠使然。修治去莖葉及根皮用。

○旋覆花消痰逐水利氣下行之藥也。主心肺結氣脇下

虛滿胸中結痰痞堅噎氣或心脾伏飲膀胱留飲宿水

等證大抵此劑味鹹以軟堅散痞硬性利以下氣行痰

水實消伐之藥也。本草有定驚悸補中之說竊思痰閉

心胞脾絡之間往往令人病驚。旋覆破痰逐飲痰飲去

則胞絡清淨而無碍。五志自寧驚悸安矣。又飲消則脾

之理
卷三
健脾健則能運行飲食中氣自受其益而補養矣然行痰水下結氣是其專功病人涉虛者不宜多服冷利大腸虛寒人禁用

女醫童玉峯先生曰若熱痰則多煩熱濕痰則多倦怠軟弱風痰則多癱瘓奇證驚痰則多心痛癲疾冷痰則多骨痺痿疾飲痰則多脇痛臂痛食積痰則多癖塊痞滿其爲病狀種種變見用旋覆花虛實寒熱隨證加入無不應手獲効

李時珍先生曰仲景治傷寒汗下後心下痞堅噫氣不降用旋覆代赭湯胡洽居士治痰飲兩脇脹滿用旋覆花丸皆破堅也

○集方治諸濕腫痰脹水脹以五苓散加旋覆花以妙氣
實者加葶藶子一二錢○治風濕痰飲上攻頭眩脹
眩暈用旋覆花天麻甘菊花各等分爲末每晚服二錢
白湯下○治中風後痰涎壅滯結如膠漆用旋覆花洗
淨焙研爲末煉蜜丸梧子大每臥時以茶湯下三十丸
○治小便不行因痰飲留閉者用旋覆花一握搗汁和
生白酒服下立通。

紅藍花味辛苦甘氣寒平無毒陰中之陽爲手少陰足厥陰經血分藥也

蘇氏曰紅花色紅葉似藍故有紅藍花之名李時珍曰生西域及梁漢間人家塲圃所種二月八月十二月皆可下種雨後布子于熟地存生苗脆嫩可食二月作莢形如小刺五月開花色深紅如大刺花花下作莢生多刺花出莢上開人乘露采之采已復出全盡而能種中結實白顆如小豆搗煎其汁入醋拌蔬極鮮美蒸熟搗油亦可爲燭其花曝乾搗熟以水淘布袋絞去黃汁又搗又絞去黃汁盡可染緋紅上供御服入藥川花未經搗絞吸汁者孫用

○紅花破血行血和血調血之藥也主胎產百病因血爲患或血煩血暈神昏不語或惡露搶心臍腹絞痛或瀝漿難生蹊腫不下或胞衣不落子死腹中是皆臨產諸證非紅花不能治若產後血暈口噤指櫛或邪入血室

論語發狂。或血悶內脹。儻仙姬死。是皆產後諸證。非紅
花不能定。又如經閉不通。而寒熱交作。或過期腹痛。而
紫黑淋漓。或跌撲損傷。而氣血瘀積。或瘡瘍痛痒。而腫
潰不安。是皆氣血不和之證。非紅花不能調。蓋血之爲
物。生化于脾。總統于心。藏納于肝。宣布于肺。施泄于腎。
分屬任衝。灌溉一身。紅花汁與之同類。故能活男子血
脉。行女人經水。又少用則養血。多用必行血也。但性本
行血。如血暈已定。留滯既行。卽止後服。過用能使血行
不止。毋忽也。

劉默齋先生云。新昌一婦。病產暈已死。但胸膈微熱。有
醫陸氏曰。此血悶也。速購紅花數十觔。乃可活。以大鍋

煮湯盛三桶于牕格之下。昇婦寢其上。薰之。湯冷再加。有頃指動。半日乃甦。按此方亦得唐許胤宗以黃耆湯薰柳太后風病之法也。

潘鄧林先生曰。紅花行血活血。入產科人所共知也。而傷寒家有發熱表汗不出者。營虛血燥。不能行汗也。

用紅花一二錢。入解表藥中。行血助汗最妙。人所未知。

○集方治血煩女科血暈言方共九神昏不語。用紅花一兩。當歸五錢。川

芎三錢。水五碗。煎二碗。徐徐服。○治產後惡露搶心。臍

腹絞痛。或經阻不行。少腹作痛。并成結塊。亦良。用紅花

玄胡索。當歸。牛膝。川芎。益母葉。五靈脂。木香。或九或煎。

皆可。○治臨產瀝漿難生。或胞衣不落。或子死腹中。用

紅花二兩。當歸川芎各三錢。水煎服。如行死胎。本方加
芒硝五錢。卽下。○治熱病胎死腹中。用紅花三兩。煎汁。
和童便。乘熱飲之。立効。或胞衣不下。產後血暈。並用此。
法極驗。○治產後血暈。口噤。指搦。如風狀。用紅花三兩。
黑荆芥二兩。當歸身八錢。川芎三錢。水煎服。和童便亦
妙。○治傷寒初起。經水適來。或適斷。因而病寒。熱譫語。
如見鬼狀。名曰熱入血室。用紅花牡丹皮。加入四物湯
中。飲之効。○治血悶閉內脹。僵仆如死。用紅花二兩。草
烏五錢。酒炒黃當歸川芎五靈脂各一兩。水煎溫。和徐
徐灌之。○治經水閉結不行。寒熱晡熱。用紅花一兩。柴
胡黃芩丹皮青附生薑當歸各三錢。川芎一錢。如咳嗽

加麥門冬。天花粉。知母。各一錢五分。水煎服。○治經水過期方。來腹中痛。血色紫黑。淋漓不斷。用紅花。牡丹皮。玄胡索。五靈脂。生地。白芍。當歸。川芎。香附。肉熱。加黃連。知母。○治六十二種風證。用紅花一味。三錢。水煎。日服一盞。一月見効。

紅花子。治天行痘瘡。血熱不能起發。用數十粒。研爛。和生犀角。真紫草。生地黃。同煎服。

大薊味甘微苦氣寒無毒

陳氏曰薊門猶多以薊得名當以北方薊州者為勝大薊生山谷即虎薊也二月生苗高二三尺葉皺多軟刺中心出花其花如髮色赤後有若紅藍花

○大薊涼血止血之藥也本草主吐血衄血凡血熱妄行溢上竅用此立止因其性涼故也但涼而利止血而又能行瘀故外科方以此消癰腫可知矣前人謂為安胎令人肥健蓋不知何所取義云

○集方治吐血衄血崩中下血用大薊一握搗絞取汁服半升立止○治腸癰肝腹癰內疽諸證用大薊根葉地榆牛膝金銀花俱生搗絞汁和熱酒服良如無生鮮者以乾葉煎飲亦可○治崩中下血用大薊根葉搗汁半

升和炒蒲黃棕皮灰各五錢調汁服○治跌撲損傷瘀

血作痛用大薊汁和熱酒飲

小薊味甘微苦氣寒無毒

蘇氏曰小薊生平澤處處有之即貓刺也又名青刺薊二月生苗僅一二寸併根作薊食甚美四月即高尺餘而多刺中心出花如髻亦如紅薊花色青紫與大薊根苗相似但不若大薊之肥大耳寇氏曰大小薊形狀相似但大薊高三四尺葉皺小薊僅高一尺葉不皺以此為異作藥雖有微苦不害人咽喉二薊取用三月采苗九月采根俱晒乾用

○小薊涼血止血保新血去陳血之藥也故陳氏方主

下血嘔血衄血崩血金瘡出血不止等證又治胸膈煩

悶虛損內熱及胃閉不食等疾諸因血熱為害者絞汁

溫服立瘥按大小二薊性寒下行以其能下氣故主崩

鮮熱血多効。惟不利乎氣虛血虛及脾胃虛泄瀉飲食不思之證。

沈則施先生曰。按二薊治血止血之外。無他長。不能益人。如前人云。養精保血補虛開胃之說。不可依從。

○集方治心熱吐血口乾。用小薊葉并根搗汁。每溫服二

小盞。○治卒瀉鮮血不止。用小薊根葉搗汁。以酒半和

溫服。如無鮮者。以乾葉爲末。人參湯調服。二三錢。○治

小便熱淋下血。用小薊根葉搗汁。和生白酒服一二盞。

○治乳石發毒壅熱心悶吐血。以生小薊根葉搗汁。每

服三合。入煉蜜三五匙。攪勻服之。○治九竅出血。以小

薊根葉搗絞汁一二盞。以酒半和溫服。如無鮮汁。搗乾

者爲末。白湯調服三錢。○治金瘡出血不止。取小薊苗葉根搗爛。敷上卽止。

○續補方。治下疳。用新鮮小薊新鮮地骨皮。各五兩。煎濃汁浸之。不三四日卽愈。氣實火盛之人。吐血。衄血。咳血。咯血。唾血。並皆治之。用大薊。或小薊。並取苗葉一把。生地黃一兩。黃芩三錢。甘草。牡丹皮。犀角屑。各一錢。燈心一團。水二碗。煎一碗服。

續斷味苦甘辛。微溫。無毒。可升可降。入足厥陰。少陰。經理腰腎之要藥。

蘇氏曰續斷生陝西河中。郿越晉絳諸州。江南諸郡皆
有之。三月生苗。幹有四稜。葉似芋葉。兩葉對生。四月開
花。紅白色。似益母花。根如大蘗。赤黃色。出川中者。味兼
甘更佳。色赤而瘦。折之有細塵起者。無者為南續斷。非
川產也。功少不及藥錄云。喜延蔓。葉細。莖如荏根。黃白
有泔。今用莖葉。節節斷。皮黃。皺如雞卵者。八月采。根橫
切到之。去血。裏頭筋。酒洗。晒乾。用。又一種
草。葉根俱似續斷。誤服。令人筋大。須辨之。

○續斷補續血脉之藥也。總療婦人胎前產後一切諸病。
故本草主內傷補不足。續筋骨。調血脉。活關節。止腰痛。
治金瘡。益子宮。安胎孕。又治崩中淋血。腸風下血。痔瘻。
留血。折傷瘀血諸疾。大抵所斷之血脉。非此不續。所傷
之筋骨。非此不養。所滯之關節。非此不利。所損之胎孕。

非此不安。冬服常服。能益氣力。有補傷生血之効。補而不滯。行而不洩。故女科外科取用恒多也。

盧子由先生曰。斷者續之。因名續斷。故枝莖根葉。宛如經脉骨節者也。是主續筋骨。連肉理。貫經脉。利乳難。散乳癰。續之功用大矣哉。

李時珍先生曰。一人病血痢。一醫用平胃散。一兩入川續斷末三錢。每服二錢。水煎服。壬子會稽時行痢疾。疏方示人。往往有驗。嬰兒病痢。服之更効。

○集方治胎產一切諸病。用四物湯加續斷。○如欲止血。補不足。療崩中。當以白膠。阿膠。麥門冬。杜仲。五味子。山茱萸。人參。枸杞子。黃耆。同用。○欲行血理傷。則與牛膝。

肉桂、玄胡索、紅花同用。○欲安胎，則與白朮、杜仲、黃芩、生地、砂仁、殼、廣陳皮同用。○治跌撲折傷，用川續斷、當歸各一兩，自然銅五錢，火煨酒淬，土鼈蟲三十箇，火烘爲末，俱研細，紅麴打糊丸，如黍米大，每早午晚各服五分，溫酒送下。○治乳癰初起，可消，久患可愈，用川續斷八兩，酒浸炒，蒲公英四兩，日乾炒，俱爲末，每早晚各服三錢，白湯調下。○治乳汁不行，用川續斷五錢，當歸、川芎各一錢五分，麻黃、穿山甲、火煨各二錢，天花粉三錢，水二大碗，煎八分，食後服。○治妊娠胎動欲墮，用川續斷四兩，川杜仲二兩，俱酒浸炒，共爲末，聚肉丸，梧子大，每早晚各服三錢，當歸一錢，煎湯下。

漏蘆味苦鹹氣寒無毒入足太陽陽明少陽手太陰陽明

經

蘇氏曰漏蘆出汴東州郡及秦海州皆有之舊說莖紫似白蒿花色黃白莖莖若筋大結子作房類油麻而小根生如蔓菁而細山西單州出者為勝八月采莖陰乾黑于眾草南方常用莖苗北方常用根沈存中云今方家所用漏蘆乃飛廉也苗似苦荬根如牛旁綿頭者是也采時用根今閩中所謂漏蘆莖如油麻高四五尺秋落枯黑如漆采時用苗乃真漏蘆也又按諸郡所云惟單州者差相類沂州者花葉頗似牡丹秦州者花似單葉菊花紫色五七枝同一條潯州者花紫碧色如單葉蓮花花草下及根旁有白茸裏之根如蔓菁而細又類葱黑色三州所生花雖別而葉頗相類但秦海州又葉作絲齒狀一物而殊類如此又本草飛廉一名漏蘆與苦荬相類其根生則皮黑肉白乾即黑如玄參六七月采花陰乾用所說與秦州潯州所圖漏蘆花葉及根頗相近然彼人但名漏蘆不曰飛廉也

○漏蘆去風熱解瘡痍寒而通利之藥也苦鹹屬陰性性

○涼散故本草生皮膚瘙癢隱癬風毒惡瘡及乳癰發背
痔毒腸風諸證能理血排膿引經脉利筋骨行藏府而
古方以漏蘆湯爲癰瘍科初起洩毒之首劑也又宋人
治癰疽并預解時行熱毒痘疹今但知其寒能解熱之
義益不知其能入陽明之故也設患人胃寒不食并泄
瀉者瘡瘍陰證平塌不起發者有妊娠者俱禁用之
○集方治皮膚癰瘡^{外并癰}隱癬風毒瘡疥用漏蘆荊芥白癬皮
浮萍牛膝當歸蘄蛇枸杞子各一兩甘草六錢苦參二
兩浸酒蒸飲○治癰疽^{癰疽}發背^{下其}一切腫毒初起及時行熱
毒赤腫丹疔用漏蘆連翹白欬枳殼升麻甘草麻黃朴
硝各一兩大黃八錢共爲末每服三錢白湯調服取利

爲度。發背初起二三日。但有裏實熱證。便宜服此。退毒
下膿。乃是宣熱拔毒之劑。熱減卽佳服。○治癰疽排膿
長肉生肌。用漏蘆。人參。各五錢。黃耆二兩。○治時行痘
疹預防染患。用漏蘆五錢。棗豆。白芍藥。各二錢。甘草三
錢。俱微炒黃研末。每服一二錢。白湯調服。○治乳汁不
下。用漏蘆一兩。同猪蹄。狗蹄。煮汁飲。立通。○治乳癰紅
腫。初起立消。用漏蘆一兩。甘草五錢。水煎服。○治肥實
婦人乳汁不下。乃氣脉壅塞也。或經絡凝滯。乳內脹痛
邪蓄成癰。服之自然內消。用漏蘆五錢。蛇蛻一條。炙焦
共爲末。瓜蒌一箇。和皮搗極爛。總和一處。先取一半。熱
酒調服。以利爲度。○治瘰癧排膿止痛生肌。用漏蘆連

翹紫花地丁。貝母。金銀花。甘草。與枯草各等分。水煎服。

①治歷節風痛。筋脉拘攣。痛如虎咬。身難展動。用漏盧

五錢。地龍二條。去土炒。共爲末。生薑五錢。取汁。生蜜三

錢。木豆碗。共煎滾。取漏盧。地龍末。各一錢。調服。②治小

兒無辜疳病。肚脹。或時泄利。冷熱不調。以漏盧二兩。炒

爲末。每用一錢。以猪肝二兩。入鹽少許。同煮熟。空心頓

食之。

芎根味甘氣寒無毒

蘇氏曰芎麻生開廣江浙間宿根不死至春再發。科
數十莖亦可分時高七八尺葉如楮無叉而青背白有
短茸毛夏秋間着細穗青花其根黃白而輕虛八九月
采剝其皮可以績布諸處歲再刈推割楊問歲可三刈
取皮以竹刮其表則厚處自脫○李氏曰芎麻家芎也
又有山芎野芎也又有紫芎葉面紫白芎葉面青其背
皆白刮洗煮食可收荒味甘美其子茶
褐色九月收之二月可種宿根亦自生

○芎根涼血解毒之藥也別錄專主小兒赤遊丹毒大人

癰疽背發及一切無名毒腫搗敷即解又天行熱病大

渴發狂或婦人胎藏蘊熱漏胎下血或氣血砂癰等症

種淋證或服金石熱藥性發煩悶等患用此煎膏諸病

立効皆以其性寒涼血解熱化毒故也如病人胃弱泄

瀉者勿服諸病不由血熱者亦不宜用其葉與皮筋主
治器同

朱彥修先生曰。苧根大能養陰而活瘀血。方藥或惡其賤。似未曾用也。古方以苧麻產婦枕之。立定血暈。安腹上。立止腹痛。况服食乎。

盧不遠先生曰。苧質直而縷如經如絡。故易長則氣勝。理順則血流。治胎捷于益母。世人未之識也。

李時珍先生曰。苧麻葉極散血。五月五日收取。和石灰搗作團。晒乾收貯。遇有金瘡跌傷撲傷。研末敷之。卽時血止。且易痂也。又方。凡諸損傷。肉破血瘀不散者。五六月。收野苧麻葉。真紫蘇葉。二味。搗爛。敷上傷處。如有瘀血。在腹內不散者。以二葉搗汁。和酒服。卽通。血皆化水也。

○集方。治五色丹毒。苧根煮汁。日浴三次。或濃煎汁少許
飲之亦良。○治癰疽腫毒初起未成者。用苧根熟搗敷
上。日夜數換。○治天行熱病大渴狂妄。用苧根濃煎飲
之。○治妊娠胎動不安。或漏血不止。或下黃水如膠。或
如小豆汁。腹中痛者。用苧根去黑皮。切碎。十兩水煎稠。
徐徐飲。○治五種淋證。莖中澀痛。或白淫白濁。用苧根
搗爛。煎水飲。立効。○治小便不通。用苧根搗爛。攤布上。
貼少腹。連陰際。須臾即通。○治小便淋血。用苧根煎湯。
頻服大効。并治諸淋。○治肛脫不收。用苧根搗爛。煎湯
薰洗。○治跌撲打傷。或從高失脚。下墮內傷瘀血者。用
苧根或苧麻燒灰。五錢或一兩。熱湯或熱酒調服。瘀血

立散。

○治夏月驟然水瀉。

日夜不止欲死。不拘男婦用。

五月五日采苧麻葉陰乾爲末。每服二錢。冷水調下。勿

喫熱物。令人悶倒。小兒用五分。○治痢白凍。方同上。○

治蛇虺咬傷。

治蛇虺咬傷

用苧麻嫩頭搗汁二三盞。和酒一半服。以

渣敷咬處。毒從竅中出。看傷處有竅。是雄蛇。無竅是雌

蛇。以針挑破傷竅處。再敷紫金錠末。○治臨杖預服藥。

用苧麻皮燒灰存性。乳香沒藥各五錢。胎髮圓一枚。微

炒焦。黑犬對前脚上邊頂骨一副。火炙酒淬酥。五味俱

研細末。煉蜜丸如彈子大。每丸重四錢。酒化下。杖後煎

劑用苧麻皮二兩。大黃、桃仁、延胡索、肉桂、牡丹皮、紅花

紅麴各二錢。牛膝五錢。降香末二錢。甘草一錢。水酒各

一大碗。煎八分服。

大青。味苦。氣大寒。無毒。

陶隱居曰。出東境邊道。及江東州郡。今荆南。閬。蜀。濠州。所在亦有之。春生青紫。葉似石竹。高二三尺。對節作葉。長三四寸。面青背淡。七八月開花如蓼。色紅紫。亦如堇花狀。結實青碧。大若板粒。霜降則紅。三四月采莖葉。陰乾用。

○大青。解時行熱毒之藥也。陳象元稿別錄主溫疫寒熱。時行大熱。

熱毒頭痛。狂悶煩渴。喉痺口瘡。風癰丹毒。熱毒血痢。單熱瘧疾。熱極疸黃諸病。此皆胃家實熱之證。此藥乃對病之良方也。但其性味苦寒。止用以祛除天行熱病。而不可施之于虛寒脾弱之人。善用者毋忽忽也。

蘇氏曰。古方治傷寒內熱黃汗黃疸。有大青湯。傷寒頭身強腰脊痛。有葛根湯。亦加大青。大抵時行熱疾尤多。

用之。

李時珍先生曰大青氣寒味苦善解心胃熱毒不特治傷寒也活人書治傷寒發赤斑煩熱而痛有犀角大青湯大青四物湯故象先指掌賦云陽毒則狂斑煩亂以大青升麻可回困篤

○集方治溫疫寒熱用大青柴胡黃芩生半夏桔梗各一

錢葱頭二箇水煎服○治時行大熱熱毒頭痛狂悶煩

渴用大青一兩石膏五錢知母三錢甘草一錢牛旁子

二錢水煎服○治喉風喉痺用大青葉搗汁灌之取効

止○治大人小兒口内生瘡用大青一兩黃柏五錢黃

連三錢水一大升煎三合服之○治風癰丹毒用大青

搗爛。習之即散。

先以磁鋒。洗去惡血。

○治熱毒血痢困篤。用大青

曝乾四兩。甘草一兩。

真赤石脂三兩。阿膠二兩。水三升。

煎一升。徐徐服。

○治熱盛時

癰單熱不寒者。用大青欸

葉。搗汁。和生白酒沖飲。

○治熱甚痘黃

用大青二兩。茵

陳。秦朮各一兩。天花粉八錢。水煎服。

○治熱盛發斑赤

色。心煩作痛。用大青四物湯。以大青一兩。阿膠。甘草各

二錢。淡豉二合。分作三服。每用水二盞。煎八分服。又犀

角大青湯。用大青七錢。眞犀角二錢。山梔子十箇。淡豉

二撮。分作二服。每用水二盞。煎八分。溫和服。

小青。味苦。氣寒。無毒。

蘇氏曰。小青生與大青異種。惟產福州。三月開花。

○小兒解毒。殺疳清熱之藥也。治疳熱退。小兒疹後骨蒸。止血痢。療男子酒積。腸紅。陰寒。清利之品。然過服亦尅脾氣。

○集方。治小兒痘瘡後。羸瘦骨蒸。用小青草。銀柴胡。各一兩。白朮。地骨皮。甘草。胡黃連。青蒿。各五錢。爲末。每服一錢。早晚白湯調送。○治酒毒。血痢。腸紅。諸證。用小青草。秦朮。各三錢。陳皮。甘草。各一錢。水煎服。○治癰疽。瘡癤。用小青草。搗爛。敷上卽消。

胡盧巴。味苦。氣熱。無毒。爲足少陰。與命門之藥也。

劉氏曰。胡盧巴。生海南諸番。今廣州。黔州。亦有。不及船
上者佳。春生苗。夏結子。秋采。英。淘。洗。酒。浸。晒。乾。用。或云
是番中蘿蔔。
正未審的否。

○胡盧巴。壯元陽。補腎命之藥也。能飲互水火。兩腎之元
陽。故主元藏虛冷。命門火衰。不能生土。以致脾胃洞泄
不禁。精冷自遺。又治寒疝。冲心。及奔豚。癰癢。寒濕脚氣。
諸陰冷證。無不奏功。因其益命門之力。所謂益火之原。
以消陰翳是也。若腎藏有鬱火。內熱者。還宜斟酌。
薛止齋先生曰。一人病目不覩物。一醫教服胡盧巴。頻
頻不缺。不十月。而目中微痛。如蟲行。出大眵。漸明而愈。
又一人病寒疝。陰囊腫痛。服五苓諸藥不効。與胡盧巴。

數服而平。

沈拜可先生曰。今醫家治元藏虛冷。冷氣潛伏。陽氣不能歸原者。以胡盧巴爲要藥。與人參耆朮。歸地桂附。補骨脂。大茴香。等輩。大有回天再造之功。老弱虛羸之人。宜日用之。

○集方。治脾此方胃虛寒。洞泄不止。用胡盧巴四兩。補骨脂三兩。白朮二兩。人參一兩。俱炒黃爲末。飴糖爲丸。每服三錢。湯酒任下。○治腎虛精冷自遺。用胡盧巴四兩。枸杞子三兩。配入六味地黃丸。每早服五錢。淡鹽湯下。○治寒疝冲心。及奔豚。癢癰腹中挺痛。用胡盧巴吳茱萸。川椒。草薢。蒼朮。各二兩。炒爲末。每服三錢。早晨白湯調下。

○治偏墜腫痛。或小腸疝氣。下元虛冷者。用胡盧巴。小茴香。俱酒浸炒。各二兩。沉香。木香。各五錢。爲末。紅麴和酒打糊丸。每服二錢。白湯下。○治寒濕脚氣。腿膝疼痛。行步無力。用胡盧巴。酒浸一宿。焙。補骨脂炒香。各四兩。爲末。以木瓜一箇。切頂去穰。放藥在內。令滿。用頂蓋住。簽定。蒸爛。搗丸。如梧子大。每空心用百丸。溫酒下。○治小腸氣痛。用胡盧巴炒研末。每服二錢。茴香湯下。○治腎藏虛冷。腹脇脹滿。用胡盧巴炒二兩。熟附子。硫黃。各七錢。爲末。酒和紅麴爲丸。梧銅子大。每早服百丸。白湯下。○治冷氣疝瘕。用胡盧巴酒浸。晒乾。蕎麥炒。各四兩。小茴香二兩。共研爲末。紅麴糊爲丸。梧子大。每早服百

餘九空心鹽酒送下。服至兩月。大便出白膿。則除根。

惡實即牛旁子。味辛苦。氣寒。無毒。陽中之陰。可升可降。入手太

陰足陽明經。

李時珍先生曰。惡實其狀惡而多刺。故其根葉皆多刺。為蔬或取其根煮為脯食之可充飢。且益人其酸多刺。鼠過之則殺。惹不可脫。故謂之鼠粘子。此草處處有之。三月生苗。高三四尺。葉如芋而長。四月開花。作淡紫色。實如楓。穗而小。莢上細刺。百十攢簇。其穗作子數十粒。色黑。開秋後采。取時著人衣也。

○惡實散風解熱透疹毒之藥也。味苦性潤。苦能泄熱。潤

能散結。別錄方主明目除風。藏器方主風毒斑熱。元素

方主潤肺止咳。散結氣利咽喉。開毛竅去皮膚風。通行

十二經。甄氏方定煩熱去傷寒鬱熱不解。錢氏方治斑

疹時毒等證。總是拔引鬱毒。凡風火痰氣內結。不能透

達者。此藥宜利發揚。故今人用以發隱疹痘瘡。開咽喉

諸疾尤獲奇驗。但性冷而滑。用于痘瘡家。惟宜血熱便閉之證。若氣虛色白。大便瀉利者。慎勿輕投。又瘡疹。切忌泄瀉。故始終用之無虞。

盧不遠先生曰。此以承制之品。宜助肝木。則凡病從風生。或因風寒薄鬱。乃成痙者。取之捷如影響。設形層之外。與上部者。功力尤勝。

○集方。治頭痛連睛。并目昏澁不明。用牛旁子。蒼耳子。甘菊花。各三錢。水煎服。○治風腫斑毒作痒。用牛旁子。玄參。殭蠶。薄荷。各五錢。爲末。每服三錢。白湯調服。○治風火內閉。痰鬱作嗽。用牛旁子。桔梗。前胡。薄荷。防風。桑皮。杏仁。各二錢。甘草五分。水煎服。○治咽喉腫閉。不利。用

牛旁子三錢。桔梗一錢。甘草七分。荊芥五錢。水煎服。○
治傷寒邪鬱不解。延引多日。用牛旁子二錢。紫胡。防風。
黑梔子。連翹。各一錢。葱頭二莖。水煎服。○治斑疹時毒。
及疔腮腫痛。用牛旁子。柴胡。連翹。川貝母。荊芥。各二錢。
水煎服。○治痘瘡不起發。用牛旁子。桔梗。甘草。蟬蛻。僵
蠶。黃芩。玄參。羌活。各等分。水煎服。○單治瘡疹不起透。
用牛旁子。研細。五錢。檉柳煎湯。調下立透。○治天行痘
瘡。血熱乾枯不出者。用牛旁子三錢。犀角。紫草。生地黃。
各二錢。水煎服。有神。○治歷節風痛。攻走手足。甚則肩
背臂膝。攻鑿疼痛。用牛旁子五兩。爲末。每用三錢。白湯
調下。○治暴中風。用牛旁子根。取時避風。以竹刀刮去

土搗爛絞汁一升。和煉蜜四合。溫分二服。得汗出便瘥。
○治熱毒風氣內攻。頭面忽腫。或連手足。赤腫。獨膜卽
痛者。用牛旁子根洗淨。研爛成膏。絹攤貼腫處。再以白
湯調服二三錢。卽腫消痛減。

泉耳實

詩人謂之卷耳爾雅謂之泉耳味甘微苦氣溫有小毒

陶隱居曰泉耳生安陸川谷及田野間今所在有之與麥互相為候古人謂麥黃種泉泉黃種麥是也細莖蔓生高二三尺有黑斑點葉如葵七八月開細白花結實如婦人耳瑤外殼堅韌多刺中有兩仁宛如人腎修治炒黃去外皮刺取仁用其莖葉可炙為茹滑而無味鹽醋非食尤佳又嫩苗水洗淨煆熟食可粉飢其實炒磨去皮殼其內仁可作餅食又可熬油作燈郭氏云今一種叢生如盛高三四尺下作蔓生其苗莖花實與蔓生者亦異

○泉耳實

通巔頂祛風濕之藥也主風寒風濕三氣為病

或頸項牽攣四肢拘急一切關節屈伸不利之證故前人
人有久服益氣脉補虛弱之功上而散頭腦諸風凡風寒頭痛鼻塞腦漏或血風眩暈痰火懸旋或目痛目腫目障目昏或耳癢耳疼耳濕耳聾諸疾下而利腰膝之

濕凡痿痺不用麻米不仁。或疹疥。或血痔。或黃水膿濕。諸瘡。或脚氣。疔腫諸疾。咸宜用之。但甘能和血。苦能燥。濕溫能通暢。故上中下。一身風濕衆病。不可缺也。

○集方。治疫病不藥。五月五日午時。多采蒼耳莖葉子。各

等分。陰乾。臨時冷水調服。三錢。或水煎。舉家皆服。能辟

惡。○治赤白下痢。用蒼耳不拘多少。洗淨。用水煮爛。去

渣。入蜜。用武火熬成膏。每服一二錢。白湯下。○治諸風

眩暈。或頭腦攻痛。用蒼耳仁三兩。天麻。白菊花。各三錢。

○治頸項牽痛。用蒼耳仁三兩。當歸淨身。白芍藥。懷熟

地。各三錢。○治四肢拘急。用蒼耳仁五兩。枸杞子。五加

皮。各五錢。○治鼻塞不利。香臭不聞。用蒼耳仁一兩。辛

夷石菖蒲各一錢

如患楊梅結毒不在此例

○治腦漏鼻淵穢汁下

流用蒼耳仁三兩白朮石首魚腦骨滋泥封裹火煨各

二錢○治赤目生瘡用蒼耳實二兩乳香五分每用一

錢燒烟噓鼻○治目病經年昏障腫痛用蒼耳仁二兩

草決明兔絲子各二錢○治耳病痛癢濕爛或腫或聾

用蒼耳仁二兩香白芷二錢○治腰膝痠疼腿足麻痺

用蒼耳仁四兩牛膝虎骨肉桂白朮當歸草薢各八錢

○治疥疹瘡癢用蒼耳仁二兩白癬皮懷生地防風枸

杞子各五錢○治血痔痛脹下墜用蒼耳仁三兩地榆

升麻牡丹皮黃栢各一兩○治脚氣腫痛重墜難履用

蒼耳仁二兩木瓜五加皮葳靈仙白朮牛膝各四錢○

治疔氣攻痛。止發不常。用蒼耳仁二兩。胡盧巴。川練子。青皮。橘核。枸杞子。各一兩。○治一切疔腫危困者。用蒼耳根葉搗和童便絞汁。冷服一升。拔根甚驗。○治反花惡瘡。有肉如飯粒。破之血出。用蒼耳葉搗汁。服三合。日三服。并用渣塗之。○治卒得惡瘡。用蒼耳仁。研末敷之。○治毒攻手足。腫痛欲斷。用蒼耳子。搗汁潰之。再以渣敷之。立效。○以上諸方。或丸或散。隨病酌用。

本草綱目方云。治一切癰疽發背。無頭惡瘡。疔癰腫毒。一切風瘡。癩瘡。杖瘡。牙疼。喉痺。五月五日。取蒼耳根葉。數擔。洗淨。晒萎。細剉。以大鍋五口。入水煮爛。以篩濾去粗渣。布絹再濾。復入淨鍋。武火煎滾。文火熬稠。攪成膏。

以新礬封貯。每以敷貼卽愈。牙疼卽敷。牙上喉痺卽敷。舌上或噙化二三匙卽効。癰疽惡毒。每日取酒服一匙。極効。

蘇實卽馬齒味甘。氣寒平。無毒。

別錄曰。蘇實生河東川谷。今陝西諸郡及鼎澧州亦有之。蘇氏曰。延津尤多。葉似薤而長。厚三月開紫碧花。五月結實作蒴子。如麻大而赤。色有稜陰乾用根細長。黃色而通。人取以爲薦。按救荒本草言其嫩苗味苦。煉熟。清水浸去苦味。油鹽調和食之。可代蔬。

○蘇實活血氣。去風寒濕痺之藥也。蘇氏曰。此藥甘寒平。潤止吐血鼻衄。血熱妄溢。消一切瘡癰癰腫。煮湯飲。或炒黃酒吞一二合。良驗。又莖葉搗汁。汨喉治喉痺腫痛。

垂死又治大便不通及小便硃石淋濁諸證外臺秘要
注往用之屢奏奇効

稀荑草。味苦。氣溫。有小毒。入手足少陽經。

俞氏曰。韻書。楚人呼猪爲稀。呼草之氣。味辛。惡者爲荑。此草氣臭如猪。而味腥惡如醉。故謂之稀荑。多生沃壤。所在有之。春盡生苗。節葉相對。高三尺許。葉似蒼耳而微長。又似地松而稍薄。全枝銀線。素莖紫莖。莖葉皆有細毛。肥壤一株分枝數十。八九月開小花。深黃色。結實如蒿子。外莖有細刺。粘人衣。采時以五月五日。六月六日。七月七日。九月九日。刈剪去地三十。以水洗淨泥土。摘葉及枝頭。用酒潤。以九蒸九曝爲良。蒸曬經久。濕潤無毒。荑氣自減。香美可食。非若生時腥荑可惡也。

○稀荑草。

祛風濕。活滯血之藥也。

李時珍

故祛風藥。每推首用。唐

本草療中風口眼歪斜。四肢麻木。筋骨拘攣。或濕痺腰脚痠疼。及腸風藏血等證。此乃春升之藥。得少陽風木之令。風能勝濕。故上件諸病。悉主之也。但性味走泄。疎散獨專。補養稍遜。凡患四肢麻痺。骨間疼痛。腰膝無力。

由于脾腎兩虛。陰血不足。不因風濕而得者。不宜服也。
沈則施先生曰。按方書言。成訥進稀薺丸方表云。有弟
訢年三十一歲。中風。伏枕五年。百醫不瘥。有道人鍾某
者。因覩此患。令服稀薺草一味。取嫩枝葉。九十觔。酒浸
九日。上甑蒸一次。晒一次。計蒸晒各九次。或晒或焙乾。
搗爲末。煉蜜丸。如梧桐子大。空心用溫酒或米湯下百
餘丸。至四千丸。所患愈。加勿得疑慮。是藥攻之故。服至
八千丸。必得復舊。服至萬丸。當復強壯。依法修製。令訢
服之。果如其言。鍾某又言。此藥與本草所述功效相異。
外當服後。須喫飯六七匙。壓之。又益州張氏稀薺丸方
云。喫至百服。眼目清明。積至千服。髭鬚烏黑。筋力輕健。

効驗奇異。一人中風墜馬失音不語。與十服其病立痊。又一老僧年七十忽患偏風口眼喎邪時時吐涎與十服亦便得瘥誠仙方也。

○集方治中風^方口眼喎斜手足不隨語言蹇澀口角流涎筋骨攣強腰脚無力等證用豨薟酒浸蒸晒九次取三觔配蕲蛇二條人參黃耆枸杞子川草薢於白朮當歸身各八兩蒼耳子川芎歲靈仙半夏麩各四兩以上諸藥俱用酒拌炒沉香二兩不見火共十三味俱爲細末煉蜜丸如梧桐子大每早晚各服三錢白湯送下。○治^{同前}腸風下血用豨薟葉酒蒸爲末煉蜜丸每服三錢白湯下。○治發背疔瘡一切癰疽腫毒用新鮮豨薟葉一二

兩小薊大薊各一兩搗爛入熱酒一碗絞汁服得汗立解。

李士材先生曰古方云稀薊能宣能補故風家珍之本草相傳功用甚奇然近世服之經年罕效意者製法未盡善歟風氣有分別歟藥產非道地歟亦以見執方者之失也。愚按此藥長于理風濕畢竟是祛邪之品恃之爲補吾未敢信也。

麻黃味苦辛。氣溫無毒。氣味俱游。輕清而浮。陽也升也。手

太陰之藥。入足太陽。兼走手少陰陽明經。

陶隱居曰。麻黃生晉地。及河東。今鄭州鹿臺及關中沙苑河旁。沙州最多。其青州徐州者不佳。蜀中出者亦不堪用。惟彭城萊陽中牟者為勝。所在之處。冬不積雪。夏五月則長及一尺。纖細勁直。外黃內赤。中空作節。如竹。四月稍頭開黃色花。六月結實。如百合瓣而緊小。又似皂莢子而味甜。微有麻氣。外皮色紅。裏仁色黑。根色紫。赤俗說有雌雄二種。雌者開花結子。雄者無花無子。至立秋後收。置陰乾。修治。折去節根。水煮十餘沸。以竹片掠去上沫用。恐令人煩。節根又能止汗液也。

○麻黃主傷寒有大發散之功。專入太陽之經。散而不止。能大發汗。非若紫蘇前葛之輕揚。不過能散表而已也。所以東垣云。淨肌表。泄衛中之實邪。達玄府。去營中之寒鬱。凡六淫有餘之邪。客于陽分皮毛之間。腠理閉拒。

營衛不通其病爲實麻黃其形中空輕清成象入足太陽寒水之經以泄皮毛氣分直徹營分之寒邪無麻黃寒邪不能盡出也故本經主中風傷寒頭痛溫瘧及逆上氣諸病悉屬太陽衛實之邪用此藥爲解表第一。推而廣之若瘡疹之隱見不明惡瘡之內陷不透哮喘之壅閉不通產乳之阻滯不行等證悉用麻黃累累奏効但此藥稟陽剛清烈之氣味大辛性大熱體輕善散故專治風寒之邪在表爲入肺之要藥而發表最速若發熱不因寒邪所鬱而標陽自盛之證或溫瘧不因寒濕瘴氣而風暑虛熱之證或虛人傷風虛人發喘陰虛火炎血虛頭痛以致眩暈中風癱瘓或肺虛發熱多痰

欬嗽。以致鼻塞瘡疱。及平素陽虛腠理不密之人。悉皆禁用。誤用則汗多亡陽。損人元氣。戒之慎之。

李時珍先生曰。仲景治傷寒無汗。用麻黃。有汗。用桂枝。王海藏謂麻黃治衛實。桂枝治衛虛。二物雖爲太陽經藥。其實營衛藥也。心主營爲血。肺主衛爲氣。故麻黃爲手太陰肺之劑。桂枝爲手少陰心之劑。似亦得其槩矣。而未豁然。夫津液爲汗。汗卽血也。在營則爲血。在衛則爲汗。夫寒傷營。營血內澀。不能外通。于衛。衛氣閉固。津液不行。故無汗發熱而憎寒。夫風傷衛。衛氣外泄。不能內護于營。營氣虛弱。津液不固。故有汗發熱而惡風。然風寒之邪。皆由皮毛而入。皮毛者。肺之合也。肺主衛氣。

包羅一身是證雖屬乎太陽而肺實受邪氣其證時兼面赤怫鬱欬嗽有痰喘而胸滿諸證非肺病乎蓋皮毛外閉則邪熱內攻而肺氣膈鬱故用麻黃甘草同桂枝引出營分之邪達之肌表佐以杏仁泄肺而利氣又汗後無大熱而喘者加以石膏活人書夏至後加石膏知母皆是泄肺火之藥是則麻黃湯雖太陽發表重劑又爲發散肺經火鬱之藥也如腠理不密則津液外泄而肺氣自虛虛則補其母故用桂枝同甘草外散風邪以救表內伐肝木以防脾佐以芍藥疎木而固脾泄東所以補西也使以薑棗行脾之津液而和營衛也下後微喘者加厚朴杏仁以利肺氣也汗後脉沉遲者加入參

以益肺氣也。朱肱方加黃芩爲陽旦湯。以瀉肺熱也。皆是脾肺之藥。是則桂枝雖太陽解肌輕劑。實爲理脾救肺之藥也。此千古未發之秘旨。愚特表而出之。又少陰病發熱脉沉。有麻黃附子細辛湯。麻黃附子甘草湯。然少陰與太陽爲表裏也。卽前人所謂熟附配麻黃補中有發之意云。又仲景治傷寒六七日大下後脉沉遲。手足厥逆。咽喉不利。唾膿血。泄利不止者。用麻黃湯。平其肝肺。兼升發之。卽斯理也。神而明之存乎人矣。

○集方。仲景治傷寒有麻黃湯正集。有大小青龍湯。○治少陰病發熱脉沉。有麻黃附子細辛湯。及麻黃附子甘草湯。○治肺病上氣有射干麻黃湯。厚朴麻黃湯。○治寒邪

鬱于肺經。以致喘滿欬嗽。用麻黃。石膏。杏仁。桑皮。甘草。
○治時行溫瘧。寒多拘急者。用麻黃。杏仁。桂枝。柴胡。生
薑。○治風痺冷痛。用麻黃。桂枝。甘草。○治冬月痘瘡。爲
寒風所鬱。以致倒靨喘悶。用麻黃。桂枝。俱蜜水炒。杏仁。
紫蘇葉。葱頭。一服立解。○治冬夏冷哮痰喘。用麻黃。半
夏。蘇子。皂角。白芥子。配二陳湯立驗。○治痘瘡斑疹不
起透。用麻黃。荊芥。牛蒡子。桂枝。前胡。甘草。○治乳汁不
行。用麻黃一兩。蜜水炒。天花粉。當歸身。各五錢。水煎服。
○治楊梅惡瘡。毒氣不起。瘡脚冷停。不攻發者。用麻黃
一兩。蟬蛻。僵蠶。肉桂。當歸。皂角刺。白芷。紅花。各五錢。羊
肉湯煎服。

麻黃根節味甘氣平無毒

陶隱居曰止一切虛汗爲末和面粉撲之

李時珍先生曰麻黃發汗之氣速不能禦而根節止汗捷如影響物理之妙不可測度如此凡自汗有傷風風濕風溫氣虛血虛陽虛陰虛并亡陽中暑癰瘡胃熱痰飲諸證皆可隨證加而用之如當歸六黃湯加麻黃根治盜汗黃耆六一湯加麻黃根治自汗蓋其性能行刷身肌表故能引諸藥外至衛分而固腠理也陶氏但知撲之之法而不知服餌之功更妙也

○治感冒寒冷風邪鼻塞聲重。語音不出。嗽咳多痰。胸滿喘急。用麻黃根節杏仁不去皮尖搗碎。甘草生用各二錢。石剉一劑。生薑三片。葱頭一個。水煎服。加荊芥桔梗各一錢。名五拗湯。

水荭草。味鹹苦。氣寒。無毒。

陶隱居曰。水荭草。生下濕地。極似馬蓼。而其甚長大。詩稱
有毛。其葉有大如商陸葉者。色淺紅。成穗。秋深子成。可
采。扁如酸棗仁而小。其色赤黑而肉白。不甚辛。炊燻可
食之。

○水荭草子。消血積。化癖散癥之藥也。其味鹹苦而寒。性
善消磨。能入血分。逐留滯。去痺氣。清血障。明目疾。如血

分中無所留滯。脾虛胃寒者禁用。

○集方治癰癰用水荭花子不拘多少。一半微炒。一半生

用。同研末。食後好酒調服二錢。日三服。破者亦治。久則

效。效則止。○治痞癖腹脹。及堅硬如盃盃者。用水荭花

子一升。另研。獨顆蒜十五箇。去皮。狗腦一箇。皮硝四兩。

石臼搗爛。攤在患上。用油紙蓋定。長帛束起。酉時貼。次
日辰時取去。未效再貼。至三次。倘有膿潰。以滑石研細
末。糝之。自乾。痞服漸消除矣。○治胃脘血氣作痛。以水
紅花一大撮。水二鍾煎一鍾服。○治心氣疔痛。用水紅
花爲末。白湯調服。二錢。又法。男病用酒水各半煎服。女
用醋水各半煎服。

木賊味甘苦。氣平。無毒。中空而輕。陽中之陰。升也。浮也。入

手足三陽經

劉氏禹錫曰。木賊出秦隴華成諸郡。所在近水地。亦有之。苗長尺許。叢生直上。一根只一幹。無花葉。狀似鳬草。苗及棕心草。寸節中空。又似麻黃。莖而稍粗。經冬不凋。四月采之。莖幹徒莖。治木骨節以此磋擦。則光澤而無之。賊也。

木賊草治目疾。退翳膜。治腹疾。消積塊之藥也。目為肝

之用也。風熱勝。則翳膜生。此草性體輕揚。中空直幹。能上達肝竅。以祛目疾之風。淫火勝。為翳為障。為努肉。為疳淚諸疾。嘉祐本草。又謂治隱癖積塊。喉痺腸痔。即去翳障努淚之意。又謂去節能解臙發汗。功過麻黃。亦即取其輕空陽象之用。而有升散之力也。然多服損肝。

不宜久用。如前古謂益肝膽。止婦人月水不斷崩中赤白。此說似屬奇謬。不可信從。

○集方治目障昏蒙多淚。用木賊去節一兩。為末。和羊肝

搗為丸。早晚各食後服二錢。白湯下。○治小兒疳積。肚

大目盲。用木賊草二兩。蘇夷一兩。共為細末。羊肝搗和

九。罈子入酒。煮乾。服一丸。白湯化下。○治急喉閉。緊

用木賊草。以酒洗。焙乾。為末。白湯調服一錢。血

出。即安。○治一切風。或濕。或發汗。用木賊草。以

酒一兩。煮乾。為末。白湯服一錢。○治小兒疳積。

氣。用木賊草。去節一兩。為末。白湯服一錢。○治

下血。多年不止。用木賊草。以酒洗。焙乾。為末。白

大黃三錢。垂于鍋內炒黑。爲末。每食前用米湯下三錢。甚効也。

青箱味苦微寒。無毒。入足厥陰肝經用藥。

寇氏曰。青箱。出江淮州郡。近道亦有之。生平谷道旁。及田野下濕處。其花葉似雞冠。嫩苗似莧。故謂之雞冠莧。二月抽青色苗。可食。漸長至三四尺。莖色青紅。若蒿狀。葉潤似柳而軟。六七月生花。上紅下白。作實黑而匾大。于莧子而光。根似蕒若根而白。直下獨莖生根。近時指雞冠花子爲青箱。誤矣。○李氏曰。青箱苗葉花實與雞冠花一樣。無別。但雞冠花穗或有大而匾。或圓者。此則稍間。生花穗尖。長四五寸。狀如兔尾。水紅色。亦有黃白色者。子在穗中。與雞冠子及莧子一樣。難辨。蘇氏言其結莢者非。

○青箱。清解風熱之藥也。青。東方木色也。箱。是草似木。其

花紅白相映。可悅人目也。上古主邪氣皮膚中熱。以致

風癢身癢生蟲。別錄治惡瘡疥痔及下部一切惡瘡。爲
厥陰風藥。其子又治肝藏熱邪。眼目赤障。昏盲失明。
李時珍先生曰。青箱子。經言治唇口青。不言治目。惟藥
性論有治肝明目之功。今人多用治眼。往往有驗。竊意
目乃肝之竅。唇口青。乃足厥陰之證。推而論之。除熱明
目。爲厥陰藥可知矣。

心草味甘氣寒體輕無毒入手少陰太陰足太陽厥陰

經

寇氏曰心草生江南澤地他處雖有野生但不多耳
葉生圓勁與龍鬚草同類龍鬚草莖小葉實心草莖
短細者惟堪織席用皮作環可為兩具修治人藥取
生勞者良或飲或膏或末或圓各隨方環若研末用
水浸水經去漿粉取浮起者晒乾收用拌乳
音和易于細而不潤拌水片藏分兩下耗

心草通陰竅利小水之藥也故開寶單治癰閉五淋

諸疾其味甘其性寒其體輕乃清肅之品善能通利小
腸熱氣不行從小便出然小腸為心之府故亦能除心
經熱也又張氏方調能消水腫散喉痺定驚悸止小兒
夜啼療大人痰熱皆取其輕涼清肅之性以治熱鬱為

諸病悉主用焉。但性專通利。凡虛脫之病。不宜多用。
盧不遠先生因外剛內柔。表青裏白。具乙木之氣。稟燥
金之化。體浮用升。故善齊通竅穴。咸徧府藏。奇力之輕
劑通劑也。

皇甫雲洲先生曰。按小便之爲竅。水液滯于膀胱。而泄
于小腸。熱則不通。冷則不禁。理之常也。亦有虛熱而遺
瀝。氣虛而不通者。不可不知。如熱而不通。牛膝。車前。瞿
麥。燈心。草之類治之。冷則不禁。益智子。補骨脂。桑寄生。
戟之類治之。如虛熱遺瀝。生地黃。地骨皮。黃耆。冬。
黃。栝。知母之類治之。如氣虛不通。人參。白朮。黃耆。甘草。
肉桂之類治之。善治者。宜審證按脉而用。又不可沾沾

以燈心一物也。

○集方治小水熱閉不通已下五方出方脈正用燈心草五錢煎湯頻頻飲之

○治五淋癰閉用燈心草一兩麥門冬甘草各五錢濃

煎飲○治水腫用燈心草四兩水煎服○治喉痺腫痛

用燈心草燒灰和冰片一二釐研細吹入喉內○治喉

風痺塞用燈心草一握陰陽瓦燒存性又加炒鹽一匙

每吹一捻日數次立愈○治破傷出血勝金方用燈心草嚼爛

敷之立止○治無故夜不合眼同方用燈心草煎湯代茶飲

即得睡○治濕熱黃疸同前用燈草根四兩酒水各半入甌

煮半日溫服○治小兒夜啼驚悸同前用燈心草煎湯飲之

○續補方治下疳。此梗糝方。用燈心草一兩。燒灰。攪上五個。連核燒灰。共研勻細末。摻上卽收。○治一切口中苦甘。辣鹹酸諸味。爲病。以燈心草一握爲君。佐以五經清火藥治之。如口苦者。心熱加黃連。山梔。口甜者。脾熱加黃連。黃芩。口辣者。肺熱加桑白皮。地骨皮。口鹹者。腎熱加黃柏。知母。口酸而苦者。肝膽有鬱火。加龍膽草。柴胡。青皮。配諸藥俱在。燈心草見證加煎。漱口。徐徐嚥下。